



*Adam est contraint labourer la terre, & Cain occit par envie son frere Abel.*

**S**ELON l'Ordonnance de Dieu Adam & Eue furent mis hors du iardin d'Eden, & la terre ne luy produisant que chardons & espines, il fut contraint de la labourer avec le trauail de son corps, & la sueur de son visage. Adam donc conneut sa femme Eue, laquelle conceut & enfanta Cain, & dit, l'ay acquis vn homme de par Dieu. Derechef elle enfanta Abel, lequel fut pasteur de brebis, & son frere Cain fut laboureur de terre. Or aduint long-temps apres que Cain offroit au Seigneur des fruiçts de la terre, & qu'Abel aussi offroit des premiers naiz de ses brebis, & le Seigneur regarda de bon œil l'oblation d'Abel, mais il ne regardoit point à Cain ne à son oblation, dont il fut fort courroucé, & sa face en fut muée, parquoy le Seigneur le reprit, disant ; Pour quelle cause te courrouces-tu ? pourquoy est ta face ainsi changée ? si tu fais bien, ne le receuras-tu point ? & si tu fais mal, le peché ne fera-il pas à ta porte ? Et Cain continuant son meschant vouloir estant aux champs, s'esleua contre son frere, & l'occit inhumainement.